

MALAYSIA
DEWAN NEGARA
ATURAN URUSAN MESYUARAT

NASKHAH SAHIH/BAHASA MALAYSIA

<http://www.parlimen.gov.my>

HARI ISNIN, 11 DISEMBER 2023, PUKUL 10.00 PAGI

Bil. 33

MENGANGKAT SUMPAAH

PERTANYAAN-PERTANYAAN BAGI JAWAB LISAN

1. PN-1523-L10117
Datuk Noraini binti Idris minta **MENTERI PERTAHANAN** menyatakan :-
 - (a) kesediaan fasiliti pertahanan bagi meningkatkan tahap siap siaga pertahanan di pesisir Pantai Timur Sabah; dan
 - (b) pembaharuan dari segi kekuatan ketenteraan yang akan dilaksanakan sebagai persiapan untuk menghadapi sebarang ketidaktentuan ancaman keselamatan di sempadan Wilayah Sabah.

2. PN-1523-L09991
Puan Susan Chemerai Anding minta **MENTERI PEMBANGUNAN KERAJAAN TEMPATAN** menyatakan apakah tahap keberkesanan strategi negara untuk mengurangkan pelepasan gas rumah hijau melalui pengurusan sisa yang mampan dan ekonomi kitaran.

3. PN-1523-L10591
Tuan Amir bin Md Ghazali minta **MENTERI PELANCONGAN, SENI DAN BUDAYA** menyatakan strategi Kementerian dalam memastikan pengusaha produk pelancongan sentiasa memberi layanan dan servis yang setanding dengan negara jiran khususnya Indonesia dan Thailand.

4. PN-1523-L10616
Dato' Kesavadas A/L A.Achyuthan Nair minta **MENTERI DALAM NEGERI** menyatakan adakah anggota polis yang terlibat dalam satu-satu operasi sekatan atau pemeriksaan jalan raya sudah dilengkapi dengan kemudahan peranti digital untuk melakukan verifikasi terhadap tempoh cukai jalan kenderaan bermotor rentetan daripada pelaksanaan alternatif digital bagi paparan cukai jalan dan lesen memandu.

5. PN-1523-L10266
Tan Sri Dato' Low Kian Chuan minta **MENTERI SUMBER MANUSIA** menyatakan :-
 - (a) implikasi kelulusan Rang Undang-undang Kesatuan Sekerja (Pindaan) 2023 yang membenarkan kepelbagaian kesatuan sekerja ditubuhkan oleh pekerja dalam industri atau sektor perdagangan yang sama; dan
 - (b) pertimbangan Kementerian untuk memberi tempoh peralihan selama 5 tahun bagi Perusahaan Kecil dan Sederhana (PKS) melaksanakan kepelbagaian kesatuan sekerja.

6. PN-1523-L10513
Dato' Haji Husain bin Awang minta **MENTERI KESIHATAN** menyatakan status terkini pelaksanaan projek rintis penggunaan ubatan *Pre-Exposure Prophylaxis* (PrEP) dan sejauh mana keberkesanan projek tersebut.

7. PN-1523-L10560
Tuan Haji Abdul Nasir bin Haji Idris minta **MENTERI PENDIDIKAN** menyatakan hasrat Kementerian dalam meneruskan silibus *Common European Framework of Reference for Languages* (CEFR) dan usaha memastikan tiada unsur-unsur budaya luar terutamanya berkaitan silang budaya yang tidak sesuai di Malaysia dan bercanggah dengan akidah umat Islam.

8. PN-1523-L10026
Datuk Wira Dr. Mohd Hatta bin Md Ramli minta **MENTERI PELABURAN, PERDAGANGAN DAN INDUSTRI** menyatakan usaha Kerajaan untuk menaikkan nilai eksport industri halal di Malaysia di mana pada tahun 2022 hanya mencatatkan RM59.46 bilion berbanding nilai industri halal global sekitar RM13.86 trilion.

9. PN-1523-L09865
Datuk Teo Eng Tee @ Teo Kok Chee minta **MENTERI PEMBANGUNAN WANITA, KELUARGA DAN MASYARAKAT** menyatakan pelan tindakan termasuk status terhadap taska tidak berdaftar yang banyak memberi impak negatif hingga berlakunya kes penderaan serta kematian kanak-kanak.
10. PN-1523-L10267
Dato' Shamsuddin bin Haji Abd Ghaffar minta **MENTERI PEMBANGUNAN USAHAWAN DAN KOPERASI** menyatakan sejauh manakah kejayaan pihak Kerajaan dalam usaha memulihkan golongan usahawan yang terjejas teruk akibat daripada wabak pandemik COVID-19.
11. PN-1523-L10493
Tuan Haji Hussin bin Ismail minta **MENTERI PEMBANGUNAN KERAJAAN TEMPATAN** menyatakan mekanisme yang diguna pakai oleh Kerajaan untuk penjaja B40 yang tidak tersenarai bagi memperoleh kemudahan inisiatif MyKiosk.
12. PN-1523-L10299
Tuan Mohd Hasbie bin Muda minta **MENTERI PENDIDIKAN** menyatakan berapakah jumlah pelajar yang menerima manfaat dari program Rancangan Makanan Tambahan (RMT) dan Biasiswa Kecil Persekutuan (BKP) antara tahun 2021 hingga 2023 serta apakah syarat-syarat kelayakan yang ditetapkan.
13. PN-1523-L10055
Dr. Lingeshwaran A/L Dato' Seri R. Arunasalam minta **MENTERI PERTANIAN DAN KETERJAMINAN MAKANAN** menyatakan :-
 - (a) sebab mengapakah Malaysia masih tidak mencapai tahap sara diri (*self-sufficiency level, SSL*) untuk tanaman padi yang merupakan makanan ruji rakyat Malaysia; dan
 - (b) adakah Kementerian mempunyai sasaran dan hala tuju untuk meningkatkan pengeluaran beras dalam tempoh masa yang terdekat.
14. PN-1523-L10480
Dr. Wan Martina binti Wan Yusoff minta **MENTERI PELANCONGAN, SENI DAN BUDAYA** menyatakan apakah projek-projek pelancongan dalam senarai keutamaan Kerajaan Negeri Kelantan yang telah diluluskan dan bilakah ia akan dimulakan.

15. PN-1523-L10570
Tuan Musoddak bin Ahmad minta **MENTERI PENDIDIKAN** menyatakan senarai keanggotaan Jawatankuasa Semakan Kurikulum pendidikan di sekolah di bawah Kementerian.
16. PN-1523-L10078
Dr. Lingeshwaran A/L Dato' Seri R. Arunasalam minta **MENTERI KESIHATAN** menyatakan strategi untuk meningkatkan jumlah Ahli Terapi Cara Kerja yang kini hanya berjumlah 1,885 sahaja di Malaysia dengan nisbah 1:17,777 penduduk berbanding dengan jumlah 16,000 Ahli Terapi Cara Kerja di Australia dengan nisbah 1:1,563 penduduk.
17. PN-1523-L09989
Datuk John Ambrose minta **MENTERI PERTANIAN DAN KETERJAMINAN MAKANAN** menyatakan adakah Kementerian bercadang untuk menambah bilangan Import Permit (AP) kepada pengimport beras import bagi mengatasi masalah bekalan beras dalam negara sekarang.
18. PN-1523-L10452
Tuan Nik Mohamad Abduh bin Nik Abdul Aziz minta **MENTERI PENDIDIKAN** menyatakan statistik kadar keciciran pendidikan murid peringkat rendah dan menengah mengikut pecahan negeri dan kaum serta langkah-langkah penyelesaian ke arah sifar keciciran.
19. PN-1523-L10521
Dato' Haji Husain bin Awang minta **MENTERI EKONOMI** menyatakan adakah Kerajaan bercadang untuk melaksanakan Banci Pertanian 2024 bagi menjamin sekuriti makanan negara memandangkan sudah hampir 18 tahun data ini tidak dikemas kini kerana kali terakhir bancian dibuat adalah pada tahun 2005.
20. PN-1523-L10415
Dato' Sivaraj A/L Chandran minta **MENTERI PENDIDIKAN** menyatakan berapakah jumlah peruntukan yang akan diagihkan untuk Sekolah Jenis Kebangsaan Tamil (SJKT) daripada RM1.9 bilion yang telah diperuntukkan untuk menaik taraf dan menyelenggara sekolah di seluruh negara seperti dinyatakan dalam Belanjawan 2024.
21. PN-1523-L10067
Datuk Bobbey Bin Suan minta **MENTERI KOMUNIKASI DAN DIGITAL** menyatakan :-
 - (a) kriteria pemilihan penerima geran Dana Kandungan Digital (DKD) Industri Muzik; dan

- (b) bagaimanakah Kementerian memainkan peranan untuk merangsang dan menggalakkan penggiat industri seni kreatif yang berkecimpung secara kecil-kecilan dan tidak memerlukan modal yang besar.
22. PN-1523-L10349
Dato' Ajis bin Sitin minta **MENTERI KEMAJUAN DESA DAN WILAYAH** menyatakan adakah Kerajaan bercadang untuk membaik pulih jalan raya dari Kampung Orang Asli Belau ke Pos Sinderut di Daerah Kuala Lipis, Pahang yang rosak teruk dan sangat bahaya untuk dilalui kini.
23. PN-1523-L09990
Tuan Manolan bin Mohamad minta **MENTERI PEMBANGUNAN KERAJAAN TEMPATAN** menyatakan apakah langkah-langkah yang diambil untuk membantu peniaga tanpa lesen yang menggunakan parkir sebagai tempat untuk berniaga yang mengganggu lalu lintas pada masa yang sama mengurangkan tempat parkir.
24. PN-1523-L10200
Dato' Juhanis binti Abd Aziz minta **MENTERI PERTANIAN DAN KETERJAMINAN MAKANAN** menyatakan usaha Kementerian untuk menarik lebih ramai petani muda bagi membantu Kerajaan meningkatkan hasil tanaman.
25. PN-1523-L09901
Datuk Seri Prof. Emeritus Dr. Awang bin Sariyan minta **MENTERI DALAM NEGERI** menyatakan langkah yang diambil untuk membantu pemohon taraf kewarganegaraan memenuhi syarat menguasai bahasa kebangsaan pada tahap 'yang memadai' seperti yang diperuntukkan dalam Perkara 19 Perlembagaan Persekutuan, misalnya kursus dan ujian khas bahasa kebangsaan.
26. PN-1523-L09839
Tuan Abun Sui Anyit minta **PERDANA MENTERI** menyatakan untuk menyediakan mahkamah dan hakim-hakim yang benar-benar berpengetahuan adat istiadat Bumiputra Sarawak di peringkat tertinggi Malaysia.
27. PN-1523-L09966
Datuk John Ambrose minta **MENTERI KEWANGAN** menyatakan :-
- (a) apakah usaha Kerajaan untuk menambah hasil pendapatan negara; dan

- (b) adakah cukai seperti Cukai Barangan dan Perkhidmatan (GST) akan diperkenalkan semula dengan kadar percukaian yang lebih rendah atau terdapat pengecualian terhadap barang-barang tertentu.
28. PN-1523-L10581
Tuan Musoddak bin Ahmad minta **MENTERI SUMBER ASLI, ALAM SEKITAR DAN PERUBAHAN IKLIM** menyatakan pelan tindakan bagi menaik taraf Geopark Kebangsaan Jerai menjadi Geopark Global setaraf dengan Pulau Langkawi dan Gunung Kinabalu.
29. PN-1523-L10595
Datuk Haji Mustafa bin Musa minta **MENTERI PENDIDIKAN** menyatakan strategi bagi melonjakkan prestasi pelajar Sekolah Berasrama Penuh (SBP) di seluruh negara dengan memberikan fokus terhadap kecemerlangan Gred Purata Individu (GPI) serta pendedahan aktiviti kokurikulum di peringkat kebangsaan dan antarabangsa.
30. PN-1523-L10472
Dr. Wan Martina binti Wan Yusoff minta **MENTERI KESIHATAN** menyatakan apakah statistik pesakit mental dalam kalangan murid atau pelajar sekolah dan apakah langkah yang telah dijalankan bagi membendung keadaan ini daripada terus meningkat.
31. PN-1523-L10324
Datuk Lim Pay Hen minta **MENTERI PELABURAN, PERDAGANGAN DAN INDUSTRI** menyatakan adakah pengambilan pekerja tempatan menjadi salah satu prasyarat utama bagi setiap kelulusan pelaburan langsung asing (FDI) dan apakah Kerajaan ada menetapkan kuota pengambilan pekerja tempatan serta kadar gaji yang setara bagi semua FDI yang masuk di negara ini.
32. PN-1523-L10228
Datuk Seri Dr. Mujahid bin Yusof minta **PERDANA MENTERI** menyatakan apakah indikator bahawa Aspirasi Malaysia MADANI telah dilaksanakan dan dijadikan sebagai petunjuk prestasi utama (KPI) kepada setiap Kementerian.

33. PN-1523-L09872

Datuk Teo Eng Tee @ Teo Kok Chee minta **MENTERI PELABURAN, PERDAGANGAN DAN INDUSTRI** menyatakan perancangan Kerajaan dalam mengatasi masalah kekurangan pekerja di industri perabot yang makin serius dan adakah Kerajaan mempunyai sebarang rancangan untuk membenarkan industri tersebut mengambil pekerja asing untuk menyelesaikan masalah tersebut.

34. PN-1523-L10625

Dato' Kesavadas A/L A.Achyuthan Nair minta **MENTERI PENDIDIKAN** menyatakan jumlah kemasukan pelajar ke Tingkatan 1 dan Tingkatan 4 di sekolah-sekolah berasrama penuh (SBP) di Negeri Sembilan bagi tahun 2022 dan 2023 mengikut kelas pendapatan isi rumah dan apakah aspek-aspek yang telah dinilai dalam memuktamadkan segregasi pelajar mengikut SBP.

35. PN-1523-L10404

Dato' Sivaraj A/L Chandran minta **MENTERI DALAM NEGERI** menyatakan apakah pendirian Kementerian berhubung pendedahan Pengarah Jabatan Siasatan Jenayah Polis Diraja Malaysia (PDRM), YDH Datuk Seri Mohd Shuhaily Mohd Zain berhubung gaji permulaan Konstabel Polis (YA1) sebanyak RM1,441.00 sahaja yang berada dibawah paras gaji minima RM1,500.00 yang ditetapkan oleh Kerajaan.

36. PN-1523-L09914

Datuk Seri Hajah Zurainah binti Musa minta **MENTERI PEMBANGUNAN USAHAWAN DAN KOPERASI** menyatakan :-

- (a) cara penilaian yang dilaksanakan untuk mengesan impak dari program latihan keusahawanan di bawah Kementerian ini dan Kementerian lain untuk memastikan pulangan pelaburan peruntukan Kerajaan dalam program-program ini; dan
- (b) mekanisme yang dipertimbangkan oleh Kerajaan untuk memantau perkembangan perniagaan usahawan selepas menjalani latihan tersebut.

37. PN-1523-L10354

Dato' Ahmad bin Dato' Sri Hj. Ibrahim minta **MENTERI SUMBER MANUSIA** menyatakan adakah Kementerian bercadang untuk menggantikan pekerjaan yang dimonopoli oleh pekerja asing kepada rakyat tempatan yang sedang menganggur dan sedang mencari kerja supaya ada keseimbangan dalam industri kritikal.

38. PN-1523-L10118
Dato' Sri Ti Lian Ker minta **MENTERI KESIHATAN** menyatakan nisbah katil hospital kepada penduduk serta nisbah doktor kepada pesakit yang terkini dan apakah sasaran awal nisbah katil hospital 2.08 kepada 1,000 penduduk dan cadangan nisbah seorang doktor kepada 400 pesakit (1:400) mampu dicapai demi penambahbaikan sistem penjagaan kesihatan awam.
39. PN-1523-L10561
Prof. Tan Sri Datuk Dr. Hj. Mohamed Haniffa bin Hj. Abdullah minta **MENTERI PERDAGANGAN DALAM NEGERI DAN KOS SARA HIDUP** menyatakan dasar, kaedah pendidikan atau kempen kesedaran hak pengguna yang dilaksanakan oleh Kementerian untuk menjaga hak pengguna dan mencegah manipulasi harga oleh pihak tertentu.
40. PN-1523-L10323
Tuan Mohd Hasbie bin Muda minta **MENTERI PENDIDIKAN TINGGI** menyatakan rancangan terhadap bangunan Intekma Resort & Convention Centre di Shah Alam, Selangor yang sudah terbiar lama sedangkan pada yang sama, ramai pelajar UITM menghadapi masalah penginapan.
41. PN-1523-L10255
Tan Sri Dato' Low Kian Chuan minta **MENTERI PELABURAN, PERDAGANGAN DAN INDUSTRI** menyatakan :-
- (a) Petunjuk Prestasi Utama (KPI) untuk Pelaburan Langsung Domestik (DDI) dan mekanisme untuk memantau KPI tersebut; dan
 - (b) garis masa untuk menggabungkan kesemua 31 agensi yang mempromosi pelaburan.
42. PN-1523-L10603
Datuk Haji Mustafa bin Musa minta **MENTERI LUAR NEGERI** menyatakan kesan statutori perundangan Amerika Syarikat ekoran pendirian tegas Malaysia dalam memberi sokongan kepada Palestin serta mengecam serangan dan keganasan yang dilakukan Israel.
43. PN-1523-L10290
Tuan Jaziri Alkaf Abdillah Suffian minta **MENTERI DALAM NEGERI** menyatakan adakah Kerajaan merancang untuk menambah baik Kompleks Kastam, Imigresen dan Kuarantin (CIQ) di sempadan Malaysia dan Indonesia di Borneo.

44. PN-1523-L09942
Dato' Dr. Ahmad Azam bin Hamzah minta **MENTERI PELANCONGAN, SENI DAN BUDAYA** menyatakan adakah terdapat senarai tempat yang wajib dikunjungi oleh pelancong yang datang melancong ke Malaysia bagi tujuan mempertingkatkan ekonomi usahawan kecil seperti kedai-kedai yang menjual barangan kraf atau makanan keluaran tempatan.
45. PN-1523-L10297
Dato' Shamsuddin bin Haji Abd Ghaffar minta **MENTERI KOMUNIKASI DAN DIGITAL** menyatakan bagaimanakah langkah-langkah pihak Kerajaan membendung dan mencegah jenayah siber.
46. PN-1523-L10549
Tuan Haji Abdul Nasir bin Haji Idris minta **MENTERI EKONOMI** menyatakan mekanisme pelaksanaan Dasar Gaji Progresif yang dicadangkan dan implikasi terhadap Perusahaan Kecil dan Sederhana (PKS).
47. PN-1523-L09934
Dato' Dr. Ahmad Azam bin Hamzah minta **PERDANA MENTERI** menyatakan perancangan JAKIM untuk memenuhi permintaan dan menyediakan guru KAFA yang mencukupi memandangkan tiada lagi kuota penambahan guru KAFA daripada JAKIM sejak tahun 2021, sedangkan permohonan guru telah meningkat di seluruh Negeri Sembilan kerana kebanyakan sekolah berhasrat untuk membuat permohonan pengambilan guru tetapi terhalang disebabkan tiada penambahan kuota atau bajet seperti kelas KAFA di Jelebu.
48. PN-1523-L10079
Tan Sri Datuk Seri Panglima Anifah Bin Aman minta **MENTERI SUMBER ASLI, ALAM SEKITAR DAN PERUBAHAN IKLIM** menyatakan limpahan ekonomi yang akan diperoleh oleh Wilayah Persekutuan Labuan dan Sabah terutamanya dalam industri hidrogen, tenaga bio, mobiliti hijau dan *carbon capture, utilization and storage* (CCUS).
49. PN-1523-L10501
Tuan Haji Hussin bin Ismail minta **MENTERI PEMBANGUNAN KERAJAAN TEMPATAN** menyatakan sama ada Kerajaan bercadang untuk meningkatkan keluasan rumah PPR di seluruh negara kepada 1000 kaki persegi sebagai suatu langkah menangani masalah sosial khususnya di lokaliti padat seperti kawasan bandar-bandar utama seluruh negara.

50. PN-1523-L10154
Dato' Sri Vell Paari A/L Tun Samy Vellu minta **MENTERI PENGANGKUTAN** menyatakan apakah status projek Kuala Lumpur International Airport (KLIA) Aerotrain dan bilakah KLIA Aerotrain akan mula beroperasi.
51. PN-1523-L10529
Datuk Dr. Dominic Lau Hoe Chai minta **MENTERI PERLADANGAN DAN KOMODITI** menyatakan apakah nilai industri lada putih berkrum yang banyak dihasilkan di Sarawak dan apakah usaha untuk mempergiatkannya serta agenda untuk mengkomersialkan sektor ini.
52. PN-1523-L10141
Datin Ros Suryati binti Alang minta **PERDANA MENTERI** menyatakan sejauh manakah kajian yang dijalankan oleh Jabatan Perkhidmatan Awam untuk menaikkan had umur persaraan penjawat awam dari 60 tahun kepada 70 tahun seperti yang diamalkan di luar negara.
53. PN-1523-L10224
Tan Sri Haji Mohamad Fatmi bin Che Salleh minta **MENTERI PENDIDIKAN TINGGI** menyatakan objektif Kementerian melaksanakan semula program tajaan biasiswa MyBrain15 yang kini dijenamakan sebagai MyBrain 2.0 bermula tahun 2024 dan pembaharuan yang ingin dilakukan bagi memantapkan lagi inisiatif tersebut.
54. PN-1523-L09850
Datuk Razali bin Idris minta **MENTERI KEMAJUAN DESA DAN WILAYAH** menyatakan :-
- (a) jumlah unjuran pertumbuhan ekonomi Bumiputera melalui sektor keusahawanan MARA melibatkan naik taraf, penambahan bilangan dan kemudahan premis perniagaan di Terengganu, Kedah, Kelantan dan Perlis dari tahun 2020 sehingga 10 bulan pertama tahun 2023 (mengikut tahun); dan
 - (b) jumlah usahawan berjaya dilahirkan dan sejauh manakah keupayaan usahawan ini meningkatkan daya saing menerusi Program Transformasi Premis Usahawan Luar Bandar (TRENT) terutamanya di Terengganu, Kedah, Kelantan dan Perlis mengikut tahun 2020 sehingga 10 bulan pertama pada tahun 2023.

55. PN-1523-L10022

Datuk Mohd Hisamudin bin Yahaya minta **MENTERI KOMUNIKASI DAN DIGITAL** menyatakan mengapakah syarikat telekomunikasi di Malaysia mengenakan caj tambahan kepada pengguna jika hendak beralih ke 5G, memandangkan peralihan daripada 4G ke 5G sepatutnya secara automatik dan tanpa caj serta apakah langkah yang diambil oleh Kerajaan dalam memperjuangkan hak rakyat dalam isu ini.

56. PN-1523-L10235

Tan Sri Haji Mohamad Fatmi bin Che Salleh minta **MENTERI SUMBER ASLI, ALAM SEKITAR DAN PERUBAHAN IKLIM** menyatakan bilangan permohonan yang diluluskan oleh Penilaian Impak Alam Sekitar (EIA) melibatkan aktiviti penanaman semula hutan dan aktiviti perlombongan di kawasan hutan simpan di Kelantan bermula tahun 2022 sehingga kini.

57. PN-1523-L10269

Dato' (Dr.) Arman Azha bin Abu Hanifah minta **MENTERI PERTANIAN DAN KETERJAMINAN MAKANAN** menyatakan peranan dan tindakan agresif Kementerian bagi mengatasi masalah isu beras dan makanan asas lain yang merosot.

58. PN-1523-L10089

Tuan Seruandi bin Saad minta **MENTERI KOMUNIKASI DAN DIGITAL** menyatakan kerjasama Kementerian dengan agensi bagi menangkis penularan berita palsu terutamanya berkaitan dasar dan polisi Kerajaan.

59. PN-1523-L10043

Datuk Wira Dr. Mohd Hatta bin Md Ramli minta **MENTERI EKONOMI** menyatakan adakah pihak Kementerian bercadang untuk mewujudkan satu Jawatankuasa Khas berkaitan Pelan Hala Tuju Peralihan Tenaga Negara (NETR) untuk melicinkan usaha pelaksanaannya memandangkan NETR ini merupakan satu inisiatif yang merentasi pelbagai Kementerian.

ATURAN URUSAN MESYUARAT DAN USUL-USUL

1. (D.R.31/2023) Rang Undang-Undang Perbekalan 2024-
Menyambung semula Perbahasan atas masalah.
[Menteri Kewangan] **Bacaan Kali Kedua**
2. (D.R.36/2023) Rang Undang-Undang Kewangan (No.2)
2023
[Menteri Kewangan] **Bacaan Kali Kedua**
3. (D.R.33/2023) Rang Undang-Undang Syarikat (Pindaan)
2023
[Menteri Perdagangan Dalam Negeri dan Kos Sara Hidup] **Bacaan Kali Kedua**
4. (D.R.42/2023) Rang Undang-Undang Kawalan Produk
Merokok Demi Kesihatan Awam 2023
[Menteri Kesihatan] **Bacaan Kali Kedua**
5. (D.R.26/2023) Rang Undang-Undang Makanan (Pindaan)
2023
[Menteri Kesihatan] **Bacaan Kali Kedua**
6. (D.R.40/2023) Rang Undang-Undang Suruhanjaya Hak
Asasi Manusia Malaysia (Pindaan) 2023
[Menteri di JPM (Undang-undang dan Reformasi Institusi)] **Bacaan Kali Kedua**
7. (D.R.28/2023) Rang Undang-Undang Kecekapan dan
Konservasi Tenaga 2023
[Menteri Sumber Asli, Alam Sekitar dan Perubahan Iklim] **Bacaan Kali Kedua**
8. (D.R.29/2023) Rang Undang-Undang Bekalan Elektrik
(Pindaan) 2023
[Menteri Sumber Asli, Alam Sekitar dan Perubahan Iklim] **Bacaan Kali Kedua**

9. **Usul dibuat oleh Menteri Ekonomi dan masalah dicadangkan :-**

"BAHAWA Dewan ini,

memahami akan perlunya satu dasar untuk mereformasi pasaran kerja melalui Kertas Putih Cadangan Dasar Gaji Progresif agar golongan pekerja mendapat gaji yang lebih tinggi seiring dengan peningkatan produktiviti.

mendukung aspirasi Kerajaan untuk menstruktur ekonomi ke arah Malaysia sebagai sebuah negara berpendapatan tinggi dengan memperkenalkan dasar gaji yang dijangka berupaya mengurangkan ketidaksamarataan pendapatan, meningkatkan produktiviti pekerja dan daya saing syarikat.

menyokong usaha pelaksanaan Dasar Gaji Progresif yang akan dimulakan dengan projek rintis bagi menentukan keberkesanan dan ketersediaan sebelum pelaksanaan Dasar Gaji Progresif dibuat secara menyeluruh.

menyeru semua pihak berkepentingan untuk bersama-sama memikul tanggungjawab dalam menjayakan usaha ini sejajar dengan pendekatan kolektif dengan semua pihak termasuk Kerajaan, majikan dan pekerja.

BAHAWA Dewan ini meluluskan Kertas Putih Cadangan Dasar Gaji Progresif supaya menjadi hala tuju reformasi pasaran kerja negara seperti yang dinyatakan dalam Kertas Perintah CMD.69 Tahun 2023 iaitu Kertas Putih Cadangan Dasar Gaji Progresif."

[Menteri Ekonomi]